

漢名臣傳

廿三下



內閣文庫			
三八函	二二〇五	漢	書
一四架	一〇冊	號	類

內閣文庫	
元	二

內閣文庫	
番號	漢 230c
冊數	160 (142)
函號	290 43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



刑部

竟成冤獄今既審屬無辜又豈可以已經寬

宥遂不予昭雪況武進陞不過令其休致吳

矣着該部行文調取來京引見雅爾哈善等

交部嚴加議處六月以提督銜署直隸宣化

鎮總兵十月補古北口提督十一月疏言直

隸標兵操演每名歲用火藥至八斤餘恐羸

餘透漏出口請照浙江駐防八旗鎗兵例每

名准報銷三斤九兩按期核寔散給十九年

七傳四卷二十一

表

四月又言臣閱河屯協馬兵弓箭生疎請將鎗牌步兵六百八十三名內改設弓箭兵七十名備拔補馬糧均

報聞五月疏言古北口官當本銀萬兩二分收息惠濟兵丁尙存餘息請將撥息銀四千兩足成本銀萬四千以一分五厘起息除充員小前尙屬加多不數年成本交還兵民永佔利益從之二十三年

諭曰吳進義年屆八旬累任節鎮宣力老歲

命江蘇巡撫莊有恭提犯會鞠十八年三月有恭奏言浙江原審吳進義傳出傷稿在十六年四月而提塘陳公綬于五月初三日以前並未發報月日不符高正學沈翼天亦供並未見吳進義拆報見稿寔由承審各員牽合附會事下軍機大臣奏訊得寔

諭曰軍機大臣審訊陳公綬傳送傷稿一案不獨由報封發之事全屬誣枉而陳公綬亦始終並未見稿無怪乎吳進義從前之堅不

承詔也浙省辦理此案之初未免以事涉同
省大員恐蹈瞻徇遂轉向吳進義追求過于
周內而吳進義于喀爾吉善等叅奏之後屢
摺奏辯迹似膺受卽如武進陞有檢舉孫鼎
元稟送偽稿之奏安知吳進義未經見稿伊
屢任提鎮身受厚恩見稿之罪甚輕欺隱之
罪甚重且據該撫節次具奏又俱持之甚堅
是以將伊革審殊不意其竟屬子虛也若非
陳公綬在江翻供經莊有恭奏請訊豈不

着加太子太保以示優眷二十四年疏言直
隸應交出廠之馬北路提標及馬蘭宣化兩
鎮向在張家口交收南路督標及天津正定
永寧各鎮在京交收查提標馬蘭鎮距張家
口均千里定例出青之馬由京至牧廠每日
支草一束各營赴張家口每馬仍日支糧銀
一錢千匹日支百兩遲交十日卽費銀千兩
請嗣後提標馬蘭鎮之馬亦在京城交收既
免往返跋涉錢糧亦不致虛糜從之二十七

諭曰吳進義宣力戎行足膺表率以年逾大
耄特加恩顧茲聞患病溘逝深為軫恤着贈
太子太保加祭一壇應得卹典該部察例具
奏尋

賜祭葬如例諡壯愨

許咨列傳

許咨河南虞城人由舉人捐知縣康熙五十
三年選陝西府谷縣六十年內遷工部員外

郎六十一年遷廣西道監察御史雍正元年
改會考府印中仍遷御史二年八月疏言秋
審朝審民命攸關九卿詹事科道有公事不
能到班即知會刑部不必列銜請派滿漢御
史各一員稽察糾其無故不到者下部議行
尋授直隸口北道三年二月調陝西糧鹽道
仍帶御史銜六月疏言川陝要地且當軍興
後守土官必得才守兼長寔心辦理現在文
武員弁多係前督臣年羹堯題補其中阿諛

逢迎者寔多祈

敕下督撫將文官所員以上武官叅遊以上
分班赴部引

見州縣守備以下亦嚴考核又年羹堯叅劾
各官多不公并請

勅部清查原案調赴引
見

上嘉納之十二月遷陝西按察使四年四月
容密奏陝西布政使馬塔爲河東巡鹽時將

已交價鹽捏稱未賣奏請分年帶銷

命侍郎吳士玉會同總督岳鍾琪巡撫圖理
琛詳查密奏尋章馬塔職以容兼管河東巡
鹽御史事并

命協同研訊八月

諭曰馬塔深負朕恩循私作弊其列欵密叅
者則係按察使許容朕未曾宣露也而陝西
一二引見官員朕曾詢問亦稱聞有此事朕
意許容既兼管鹽道事務知之必然詳確既

在朕前密奏斷無不秉公據寔之理故令許容協同欽差侍郎吳士玉等審訊此案豈料許容懷挾私心欲寘其言做成口供將咸陽商人高俊加以三木逼令承認與馬喀通同作弊夫益商乃貿易微末之人希圖小利亦屬常情馬喀身任巡益之職敢于營私欺罔祇因治馬喀之罪豈有不分官民不辨輕重而將眾人一概加以嚴刑煅煉之理着將許容解任並將許容從前所奏及目今所審情

由俱交與岳鍾琪等一一詳加覆審與許容質對務將各犯情罪輕重徹底明晰得其至公至平不可稍存意見有所偏向岳鍾琪等覆奏言許容無刑逼商人事但于咸寧長安等縣積鹽業經賣完容所叅非妄而潞澤等十七處止賣十分之一何得以風聞遽稱二十萬現有之帑金分爲帶銷之餘欠應依上書詐不以寔律革職擬杖徒十月

諭曰許容初叅奏馬喀將變價益斤誑請帶

銷甚屬欺罔朕將馬喀革職令許容會同審
理嗣聞許容欲寔從前奏忝之言嚴刑逼勒
商人承認朕是以將許容一併解任質審今
岳鍾琪等審明並無逼勒承認之事其所忝
馬喀之處多皆寔事許容理應開復起用着
補授浙江布政使來京請旨前赴新任五年
六月授浙江觀風整俗使尋偕廣東巡撫楊
文乾等赴福建盤查倉庫錢糧
上嘉其秉公交部優敘加二級六年六月丁

毋憂

命回籍治喪畢仍赴觀風整俗使之任十月
擢甘肅巡撫七年以條陳例
諭曰據許容條奏內稱出贓過付之人宜照
完贓減二等之例發落得贓者令加倍完贓
方准減二等若止完原贓准減一等發落夫
定例得贓定罪之後于一年完贓減二等發
落蓋贖侵欺錢糧于限內全完減二等發落
之例也至于出贓過付之人鑽營勾引罪難



寬貸今欲令其罰銀減等而得贓者又令加倍完納方減二等如此較量則是重財而輕法矣且使無出贓過付之人則貪墨者何從得贓許容忽代此輩分疏而欲改例未減是誠何心又稱連斃二命之犯宜加等治罪夫謀故聞殺各有正條是以殺傷二命仍照本律科斷俱議以秋後處決蓋至秋審時核其情罪權其重輕果無可原之情自無寬宥之理今許容不論情罪之重輕但以殺傷二命

卽請改爲立決則毆誤傷者俱無從邀欵卹之典矣且使誤傷不止于二命則立決之外又將何以加重乎其草率不思亦已甚矣又竊諱竊不報與竊盜不獲宜定處分夫強竊之案輕重懸殊而地方竊案多于強劫是以諱竊不報例無正條卽照諱盜叅草之嚴例處分正所以深警其諱報而弭竊盜之源也至于既報之後竊案甚多豈能照強劫之例勒限處分今許容請將諱報者寬以降罰

而欲將緝拿督緝之官勒限議處必至五案之內緝獲三案方除獲盜過半例開復則是地方緝案頗多者其官員永無開復之日而得以保全其官者有幾且必將相率而諱報從此竊盜滋熾皆許容之開脫啟之也許容才識平庸節謹守律令尙恐錯誤乃逞其私意欲事紛更以沽名譽甚屬愚妄着交部嚴察議奏尋議降二級調用得

旨降一級留任八年二月疏言以靜寧州屬

之安定監歸通渭縣移縣于安定監城寧夏府屬之花馬池增設州同屬靈州蘭州所同知改河捕同知平涼府屬之固原所歸併固原州鞏昌府屬之岷州所改爲州設知州吏目靖遠廳改爲縣設知縣典史俱下部議行時大軍征噶爾丹策凌

上以容辦軍需凡事推諉

特命尙書查弼納赴陝西總理稽查三月容奏軍需將次全竣

漢名目傳卷二十三
諭曰此番軍需朕代爲挽將覆之轍回已頽
之波救汝身家性命較自御史五年內擢至
巡撫之恩大矣亟當知之封疆大吏平時不
能開誠布公令屬員感畏一遇有事斷不免
叢脞之虞歧誤之失于臨機應變之際又復
畏難而不休國懷私而不奉公未有不累及
身家性命者日前雖幸免大譴捫心自問能
無愧乎嗣後凡趨利違害之私衷避重就輕
之巧念切勿更萌惟確秉公誠向對天無虧

處踐履方可保終身安適也五月

諭曰年來甘肅地方辦理軍需雖一切動支
公帑絲毫不取于民而輓運轉輸不無資于
民力朕心軫念特將雍正八年額征錢糧悉
予蠲免以示恩卹今聞該撫許容以兵餉無
抵將歷年舊欠勒限一年全完民間十分擾
累以致不法之徒借端生事許容才具短淺
識見鄙陋辦理此事甚屬錯誤夫本年錢糧
旣經豁免而仍嚴此舊欠大非朕加恩沛澤

之意若云兵餉無抵自可具題請撥何得于
獨免之年行催征之舉着卽行停止八月疏
報本年六月十五日遵

旨于河州口外營建河神廟宇卽有祥雲捧
日五色成文至七月初五日自積石關至撒
喇城查漢達斯等處百餘里黃河澄清三晝
夜官兵喜躍稱慶以爲從來未有之上瑞
諭曰朕從不言祥瑞年來各省奏報慶雲禮
泉鳳凰芝草之屬悉皆屏却今降旨于河州

口外恭建廟宇以答河神護國佑民之恩而
彼地河流卽昭上瑞顯著休徵足見天人感
應之理捷如影響其務以公心爲昭事之本
益加勉勗夙夜謹慎以受天恩九年二月
上以容查核軍需錢糧過刻恐致累民傳

諭訓誡十月

諭曰朕覽許容奏摺運送米豆一事與總督
查卽阿意見不合許容之意竟似查卽阿有
意與伊矛盾者朕令廷臣詳查知查卽阿奏

漢名目傳卷二十三
請冬天口外停運而以空閒之騾安台接運
米豆此事尙未奉旨是以未曾知會許容以
致彼此辦理互異並非有意與許容矛盾朕
將許容奏摺發交廷議今廷議以已運過涼
之米仍照許容所奏听州縣直運肅州其未
過涼州糧石已撥脚價者暫停扣追俟將來
運糧扣抵朕已允行但思查卽阿居心忠厚
志在急公必無同事之人有意矛盾之理許
容疑心太重致生此等猜疑有失和衷之道

不思軍需關係緊要必須合志同心方于公
務有益不負朕之委任着密諭許容知之十
二年疏劾丁憂知府李綺虧空軍需銀請革
職嚴追

諭曰許容與李衛向來讐怨最深人所共知
從前李衛在朕前叅奏許容之處甚多且每
年向人輕鄙肆詈朕因李衛好惡拘執置之
皆不問今許容于李綺去任之後特以虧空
軍需銀兩題叅李綺乃有力之家豈肯虧蝕

漢名目傳卷二十三
此數千金國帑自干罪戾况李綺在任數年
若果有虧空之處許容何以漫無覺察于伊
去任之後始行糾察明係嗔怪李衛而遷怒
于伊兄屬員迎奉刻意搜求坐以虧空軍需
爲報怨之地似此大臣官員等假公濟私互
相報復之風甚是卑鄙斷不可長李綺虧空
之案必另有情由着許容詳確查明據寔陳
奏十三年覆奏言臣檄調李綺到蘭審訊寔
因辦公賠墊共虧空銀七千三百餘兩請勒

限半年回籍變補得

旨李綺一事前旨甚明乃必令赴蘭到案殊
屬膠執其所虧銀兩既有田房堪抵但當速
遣回籍折變完補亦何須勒限逼迫且汝于
不閱軍需疏移由塘報中附奏者頗多獨將
此差人贖呈以致耽延時日是何意見似此
襟懷狹隘豈有封疆之量耶朕寔代汝惜之
乾隆元年正月疏言蘭州新闕地方向因議
駐滿兵建營房自康熙三十六年完報無幾

雍正十三年題奉部覆民欠限年勒追無着者歷任各官員分賠銀恭遇

恩赦彙冊請免而民欠應按數追仰懇

聖恩一体豁免

詔如所請行時固原環縣歉收容奏請將有業貧民借給口糧無業者大口日給米三合小口二合至三個月止

諭曰從來爲治之道莫先于愛民况秦省自用兵以來百姓急公踴躍甚屬可嘉今又值

收成歉薄更爲可憫此當加恩賑恤于常格之外者摺內奏稱散賑三個月口糧汝未聞從前

皇考加賑江南山東等處之

恩旨乎汝辦事寔心而理財過刻國家救濟貧民非較量錙銖也但須使寔惠及民耳可一切寬裕爲之並將此旨傳諭查郎阿劉於義等知之於義尋奏言蒙

聖諭諄切今已酌定加賑兩月但查現在賑

濟時窮民尙逃散四出可見大口三合小口
二合之數寔不敷慶日

上諭容曰汝爲地方大員旣不能先事預防
于前又不能竭力賑救于後而且一經奏報
遂謂了事恐甘省之灾荒二字再入朕耳如
此輕視民命爲民父母之謂何汝意爲國家
惜費乎夫民之元氣乃國家之根本也傳曰
百姓足君孰與不足汝豈未之聞乎三月
諭曰朕御極以來時時以愛養百姓爲心深

恐陽雨不時旱澇爲患閭閻疾苦不能上聞
所以告誡督撫有司者至詳且悉至于陝甘
二省民人屢年轉運軍需急公効力尤爲朕
心格外憫卹者上年間甘省固原環縣等處
收戒歉薄窮民乏食朕知許容性情褊隘識
見卑庸恐但思節省錢糧不思惠養百姓屢
次親批諭旨令其寬裕料理勿使灾民稍有
失所又令資其安插之費寬其散賑之期朕
之訓諭已類朕之心力竭矣乃許容刻覈性

漢名目傳卷二十三
成不但無痼瘵乃身之意並朕旨亦不祇遵
不過循照往例苟且塞責罔計百姓之寔能
安堵與否是以正當賑濟之時而流移他郡
者尙千百爲羣相望于道似此膜視民艱之
大臣何以稱撫綏懷保之職許容着解任暫
留甘省將軍需各項銷算清楚來京候旨五
月劉於義奏言上年固原等處歉收蒙
恩軫賑三個月外再加賑兩個月臣查目前
待賑之固原州共四千餘戶其賑過五個月

者僅百三十六戶固原所共萬餘戶其賑過
五個月並不遵定數散給固許容用財過刻
駁下過嚴而固原同知張慶水知州鄭炳惟
恐拂容意指塗飾欺蔽請革職究擬得
旨張慶水鄭炳俱革職交該督臣查審若過
在許容即將許容嚴加議處六月查卽阿劾
容匿災殃民並在私人張慶水及秦州知州
賈聖檜試用州同曹源洛党同爲虐
詔革容職解進京十二月刑部鞠容玩誤

漢名臣傳卷之二十三
災荒徇庇屬員屬寔按律擬杖徒授
赦免二年

命署山西布政使尋寔授三年三月調江蘇
布政使五月署江蘇巡撫八月疏言江蘇爲
財賦重地州縣共六十八缺衝繁疲難四項
相兼及沿河海各缺十居六七非才猷出眾
之員殊難勝任卽選得其人或不免以因公
小過與例不符其與例符者又或才難勝劇
人地非宜每致要缺久懸仰懇

聖恩量爲變通過題陞調補之缺如一時
得合例之人將不合例而可以勝任者于本
內聲明恭候

聖裁至同一不合例之內仍當視所犯重輕
分別酌定庶勸懲胥協規避可除于成例亦
無大碍下部議行四年二月丁父憂五年閏
六月

上以湖南現辦軍務

特命咨往署巡撫咨疏請終喪

漢名臣傳卷之二十三

三

諭遵前旨行不必固辭六年二月疏言乾隆
元年兵部議准武職親丁馬匹俱備價存營
遇需用時購買臣于五年八月抵任本標因
城綏用兵呈報購買日期查五六月間各
營皆已報買因查乾隆二年於剿蒲寅山亦
是城綏用兵並未買備此番何忽購買訪知
各武職俱屬虛報且有銀存營未領而已報
沿途買就希支草料者且今日報買迨至凱
旋又將捏報倒斃疲瘵再請帑項存營臣不

敢扶同欺飾

諭曰捏報買馬固干吏議但官員眾多又在
軍前出力今軍務已竣應從寬完結傳諭湖
廣總督查明城綏用兵以來各營捏報買馬
若干及冒支行營草料若干俱照數追還外
一概免其處分其該管上司濫行批准者亦
免其議處九月寔授湖南巡撫十月以秋審
各案經九卿于綏決可矜內改擬者多傳
旨申飭十二月疏劾糧道謝濟世枉縱營私

各款

上命湖廣總督孫嘉淦會鞠先是濟世訪拿
衡陽縣知縣李澎家人書役浮收漕米經長
沙府知府張琳枷責詳糧道倉德批結至是
容劾濟世款內稱浮收事屬風影布政使張
燦復飭改原詳及批倉德通揭劄科御史胡
定復劾容朋謀傾陷濟世罔上行私八年二
月

命侍郎阿里衮赴湖南秉公察審閏四月解

容在留楚候質六月阿里衮奏許容劾謝濟
世多欸惟失察書吏犯贓尙未全誣餘盡屬
子虛應革職擬杖徒尋例納贖發順義縣城
工効力贖罪九年正月

命署湖北巡撫二月給事中陳大玠等奏容
身爲大臣敢肆欺罔罪無可逃不宜復列寮
案

諭曰朕因湖北巡撫員缺一時不得其人許
容久歷外任頗能辦事是以宥過令其署理

欽定大清會典事例 卷一百一十五 刑部 職官 職官 職官

漢名目傳卷二十三
以觀後効今陳大珩等既如此陳奏其言亦是許容着不必署理湖北巡撫十五年
上時巡中岳容迎

薦
賞給原銜補內閣學士尋告病回籍十六年
卒

閻相師列傳

閻相師甘肅高台人雍正七年由行伍拔擢
總効力西路軍營陞千總乾隆七年遷提標
左營守備九年遷大通協都司十年調安西
城守營十二年遷涼州鎮標中軍遊擊安西
提督李繩武以相師久在口外熟悉夷情奏
留本任遇缺候補十四年補岷西提標前營
十七年署瓜州營叅將二十一年十二月厄
魯特降人沙克都爾曼濟謀叛相師隨巴里
坤辦事大臣雅爾哈善剿斬賊眾四千餘尋
偕副將丑達以兵千赴魯克察克同額敏和
卓剿叛回莽阿里克二十二年二月授金塔

漢名臣傳卷二十三
寺營副將五月管理吐魯番屯田二十三年
正月擢肅州總兵三月
賞孔雀翎領綠旗兵隨靖逆將軍雅爾哈善
等勦回酋霍集占授領隊大臣五月圍庫車
城相師力戰被創九月大軍克阿克蘇將軍
兆惠畱相師駐守尋隨勦葉爾羌二十四年
三月授安西提督閏六月駐防喀什噶爾九
月調甘肅提督十一月兆惠奏令移駐庫車
諭赴烏魯木齊辦理屯田尋

諭曰聞相師現赴烏魯木齊念其隨將軍兆
惠等進兵著有勞績令大兵凱旋著傳諭楊
應瑞于內地總兵內派員更換卽令其來京
陛見二十五年至京
賚銀幣敘功加三等

命圖形

紫光閣儒臣擬贊曰薄庫車門石著於額屹
不爲動觀者舌咋葉羌之役虛擣亢批雄姿
偉幹足鎮關西二十七年正月以疾奏請解

任調理得

言俞允食全俸是月卒

諭曰甘肅提督閻相師久歷戎行克嫻武略
隨征西路奮勇策勲前因患病准暫解任賞
給全俸俾盡心調攝以冀速痊遽聞溘逝深
爲軫惜著加贈太子太保賞銀一千兩辦理
喪事應得卹典該部察例具奏尋
賜祭葬如例諡桓肅

錢陳羣列傳 子汝誠附

錢陳羣浙江嘉興人康熙六十年進士改庶
吉士散館授編修雍正七年充湖南鄉試正
考官九年遷右贊善十一年轉左贊善十二
年三月遷右庶子四月遷侍講學士充
日講起居注官十三年正月提督順天學政
閏四月轉侍讀學士七月
命南書房行走九月改右通政仍留學政任
十一月疏言各學舉報優劣請照京察計典
例止于歲試隨棚舉行蓋歲試文武生畢集

至科試則武生不與而文生應試者亦止十之三四不能面加獎戒其歲科並行之地必有朝報劣而夕禡草欲自新而無路者即舉優亦易掩飾請停科試舉報下部議行乾隆元年丁母憂回籍服闋

命提督順天學政四年補原官陳羣母陳氏知書工繪事陳羣少時母曷之學為夜紡授經圖陳羣嘗奏及之上賜題以詩有嘉禾欲續賢媛傳不愧當年

化救人之句五年疏請增順天鄉試南北血中額

論曰此奏甚屬錯謬國家育材取士自有章程即正途人員應得之缺亦有定制斷無因人數眾多而多設官職之理目今進士之就選者已覺濡滯而舉人之就選者則在二十餘年之久已有難于疏通之勢若欲希圖士子之稱揚感激再增中式之數則取者愈多而用者益覺遙遙無期彼中年中式之人至

老方得一官精力衰頹志氣怠惰國家何能
收科目取人之實効乎錢陳羣身為學臣不
知政體為此沽名之奏甚屬不合著交部察
議尋議銷去加一級六年六月遷太僕寺卿
七月遷詹事八月疏請直省學官從祀先賢
先儒神牌位次悉遵太學不得因陋就簡以
訛承訛用昭慎重部議從之七年五月擢丙
閣學士六月遷刑部右侍郎三月轉左九年
七月充

經筵講官十年充會試副考官十二年二月
充

大清會典館副總裁六月充江西鄉試正考
官十五年復充江西鄉試正考官十七年患
反穀疾連疏乞解職回籍
許之

命其子編修汝誠侍行且
賜詩以寬其意

詩曰三尸素所滅二豎胡為作予告遂頤和

漢名曰傳卷二十三
還鄉竟如約陞辭意懇歎詩詩應允諾憐汝
身日羸壯汝神猶鍊達生有至論庸醫無大
藥辟穀方赤松先憂後原樂十八年陳羣進
途中所作詩

上用其會錦春園和韻

賜詩曰北海惟客待杜陵詎身謀勝會開名
園新詩步秦州猶記陞辭時流火方新秋何
事大江北聞尋谿壑幽養狗許謝莊遁跡非
田疇故鄉山水佳藥餌曠易求願攝冀良愈
待泛還朝舟江頭有錦春何妨一命遊几杖
兒孫侍樽核實從稠江湖信可樂廊廟豈忘
憂遲遲有深意欲邁還停收况彼五畝間卷
阿我會留卽是矢音地扈賡憶從頭詩筒附
奏箋翰苑傳風流固知解脫心疾等浮雲浮
從茲一葦南遙望心與悠二十二年

上南巡

諭在籍食俸二十五年

上親爲喬梓園寄賜陳羣

漢名臣傳卷二十三
序云重五日錢陳羣和賜其子汝誠詩畫扇
以進蓋欲之而不敢言陳羣老矣不可使其
因此鬱鬱于懷促成是幅並疊舊韻賜之
詩曰南國應嘗穀雨茶筵頭書自遂初家貢
來恰好臨蒲節賜去無須寶墨華教寄北山
聊示梓漫叟西土擬拈花高年已覺多男累
莫逐東風更羨鴉二十六年来京恭祝
皇太后七旬萬壽蒙

恩頒香山九老會

諭曰錢陳羣久歷卿貳兼直內廷年逾七旬
學問優裕前以養病回籍有旨在家食俸用
資頤養今來京慶祝召對之次見其神明不
衰而居鄉素稱恪謹著加恩賞給尚書銜以
昭優眷又

諭曰今年恭逢

聖母皇太后七旬大慶在籍諸臣來京叩祝
具見悃忱獻歲之初朕恭奉

安輿時巡南服諸臣甫及旋里復當出境迎

鑾僕僕道途于林下高年諸多未便可諭諸
臣今年曾經赴闕者明春無庸赴省候接在
兩浙者不必至江南在江南者不必至東省
如沈德潛卽于蘇州錢陳羣卽于嘉興餘均
視此爲例副朕體卹至意二十七年
駕過常州陳羣偕德潛來迎
御製詩各書一通

賜之曰二老江浙之大老新從九老會中回
身體康強自逢吉芝蘭氣味還相陪迎堤臺

遇以爲喜出詩命和羣應推更與殷勤訂伴

約期願定復登金台三十年

上南巡陳羣復偕德潛迎

駕

賜詩曰二仙仍此候河濱三載相睽意更親
郭泰李膺一烟舫沈期錢起兩詩人飄然白
髮都還健瞭尔清瞳自有神筆力年華雖共
老載賡知復倍清新是年陳羣年八十
命加太子太傅

賜其子汝器爲舉人汝誠適扈

蹕

諭至家省侍三十一年陳羣進其母畫冊每幅有其父綸光題句

上製詩十章歸之有子昂題句仲姬畫頗有今人似昔人之句三十六年二月

上東巡

駐蹕平原陳羣進所書登岱祝

釐頌及

御製詩文並廣韻詩冊至

賜詩曰平原此日巡方駐秀水多時奏牘欽萬有餘言親手寫三千里外故人心可知食履益康健具見頌揚篤悃忱冬月定當重晤面健談興自勃知音八月陳羣進謝

恩詩

上卽以前韻答之曰宣毫端視常隨側卽景摛詞每寓欽何必多思甫老句所無逸緬且公心往來筆札如覲面賡和篇章每托忱善

頌雖卿頗自許不忘規更佇佳音是冬來京
恭祝

皇太后八旬萬壽

命紫禁城內騎馬並

賜人參令其子汝誠扶掖出入

內廷再預香山九老會陳羣進和

御製香山九老詩句云鹿馴岩畔當童扶

上賞其超逸

親爲圖以賜陳羣將南歸復

賜詩曰剛喜談心頻席前胡爲慶歲又當旋

幾番笑語消一瞬重晤風光期十年雪阻長

途仍發軔冰凝順水未開船精神健豈妨跋

涉却是南瞻每眷然明年陳羣抵家疏謝

上時駐蹕香山

賜答詩有香山適接還鄉信卽景尤思扶鹿

人之句陳羣深于詩多不經人道語書法亦

蒼老家居後每歲

上錄寄詩百餘篇

命之和陳羣既和韻必親繕冊以進冊必有
跋體或兼行草屢蒙

獎贊三十九年卒


諭曰在籍加刑部尙書銜錢陳羣老成端謹
學問淵醇自康熙年間通籍詞垣以後久直
內廷游歷卿貳奉職恪勤嗣因養病予告優
游林下者二十餘年皆東南搢紳領袖前此
屢次南巡疊加授尙書銜晉太子太傅在籍
食俸並時以御製詩章寄令賚和儒臣老輩

輩中能以詩文結恩遇備商確者沈德潛故
後惟錢陳羣一人而已前歲來京見其精神
強健爲之欣慰因賞給人參俾資頤養冀其
壽考可再赴闕廷益承優寵昨冬聞
其忽尔抱疾屢念良殷曾于奏函內溫垂諭
詢意其即可調理就痊以副恩眷今驟聞溘
逝深爲悼惜著加恩普贈大傅入祀賢良祠
並于浙江藩庫內賞銀一千兩經理喪事應
得卹典仍著該部察例具奏尋


漢名目傳卷二十三
賜祭葬如例諡文端四十四年
御製懷舊詩列陳羣子五詞臣中
詩曰少年困塲屋賢母授之經故學有淵源
於詩尤粹精經濟雖非卓不失爲老成以疾
賜懸車還鄉信循名迎銜三於浙祝
釐兩入京倡和稱最多頌中規亦行林下惟
恂謹文外無他營優游登大耋生賢沒亦榮
長子汝誠乾隆十三年進士改庶吉士散館
授編修十六年充河南鄉試正考官十七年

侍父南歸比還職

命南書房行走二十年三月充
日講起居注官五月遷侍講二十二年遷侍
讀學士二十三年擢內閣學士二十四年遷
兵部左侍郎二十五年三月京師穀價未平
命赴德州會勘北上商販船因請嗣後商船
至天津關毋得畱難回空時概免封堤剝船
得
旨嘉允四月調刑部左侍郎六月充江南鄉



試正考官二十六年三月兼管順天府府尹
十一月調戶部右侍郎尋轉左充
經筵講官仍署刑部侍郎事二十七年復充
江南鄉試正考官二十八年二月請將應入
禮會試外簾官通行開列無得規避
上是其言如所請行六月文安霸州大城等
處生蝻
諭嚴督捕
命會勘順天府屬及宣化永平遵化旗地核



定租額二十九年因刑部擬罪乖謬部議革
職
詔從寬畱任三十年疏請終養
許之三十一丁母憂服闋仍畱籍養父三
十九年丁父憂四十一年服闋署刑部右侍
郎尋授左侍郎充四庫全書館三通館副總
裁四十三年
命仍在
南書房行走四十四年卒
天保三

蒙古臣傳 卷二十三

天

